



## PARAU FA'ARARA'A NĀ TE MAU VE'A #23

I te mahana no nanahi ra, mahana piti 14 nō Eperera, 'ua ravehia 43 mā'imira'a. Aore roa e ta'ata i 'itehia e ua ro'ohia ratou i te ma'i COVID-19.


Mai te 'omuara'a 'o teie ma'i 'i te fenua nei e tae roa mai 'i teie mahana, teie te mau nūmera : 978 ta'ata tei hi'opo'ahia, 55 ta'ata tei ro'ohia 'i te ma'i COVID-19. Hō'ē noa ā ta'ata tei tapehia 'i te fare ma'i. 'E te parau 'oa'oa ra, 'aore ā ta'ata i fa'arue mai.

### Te mau numera 'i teie mahana

Taatoara'a o te mau ta'ata tei ma'i hia i te COVID-19	55
Rahira'a ta'ata tei ma'i hia i te COVID-19 e o tei tapehia hia i te fare ma'i	
- no teie taimē	1
- mai te ha'amatarā'a no teie ma'i	4
Rahira'a ta'ata tei rapa'āu hia i roto i te piha rapa'āura'a ma'i fifi	1
Rahira'a ta'ata tei fa'aru'e mai no te ma'i COVID-19	0


### Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i



No roto mai : Piha hi'opo'ara'a i te mau ma'i, Faaterera'a nui no te ea

Fig. 2. Te mau ma'i i Tahiti e i Moorea, i te ahuru ma pae nō eperera 2020



No roto mai : Piha hi'opo'ara'a i te mau ma'i, Faaterera'a nui no te ea

### Te mau fa'anahora'a no te hi'opo'ara'a

'Ua mara'a te rahira'a o te mau hi'opo'ara'a mai tei fa'a'arahia e te Tia Fa'atere o te Ea i Porīnetia nei. E ravehia te mau hi'opo'ara'a mai teie te huru :

- Te mau pūpu rave 'ohipa a te Pū Aupuruaea, te haere atu i roto i te mau tuhaa o te mau oire (mai ia Papara), tei nia i te faito hanere hi'opo'ara'a tā ratou e rave.
- Te mau rave 'ohipa a te Pū Malardé ma te fa'ari'i i te mau ta'ata tā tō ratou taote i tonono mai ; ei roto noa ratou i tō ratou pere'o e hi'opo'ahja ai.
- E te vai nei te mau hi'opo'ara'a e ravehia nei e te fare ma'i no Taoone, no te ta'ata ma'i tā ratou e ra'apau.

Na roto i te taera'a mai te mau materia na nia i te manureva matamua i tārahuhia e te Hau nui, e nehenehe atura ta te pū ma'imira'a Malarde e rave 120 hi'opo'ara'a i te mahana hō'ē.



I roto i te mau ravea hi'opo'ara'a, e hi'opo'ahia te pārarera'a o te ma'i i roto i te hō'ē pūpu ta'ata. Te imi nei te mau tia Fa'atere o te Ea, e nohea mai teie tiro tiro e pārare nei i nia i tō tatou fenua.

Aita ra teie tiro tiro e pārare nei i muri ae i te opaniopanira'a hia te ta'ata i roto i tō ratou mau utuafare.

Tei nia atura teie mau hi'opo'ara'a i te mau ta'ata o tei piripiri i te feia i ro'ohia i teie tiro tiro, mai te mau ta'ata i reva i rapae i tō tatou fenua (o te afa rahi ia o te ta'ata ma'i).

I roto ia ratou, te mau utuutu ma'i, te feia rave 'ohipa a te mau 'oire, te mau mūto'i, te feia tūpohe auahi, te mau pairati manureva.

## Te mau tapa'o o te ma'i

Te tiro tiro o te ma'i Covid-19, e pe'e oia na roto mai i tō tatou vaha, te ihu e te mata. I roto i teie mau tapa'o, e piri ri'i i te ma'i hupe (Grippe) (paruparu te tino, tahe te hupe, maero te arapo'a, e te hōta). No reira, ia ite outou teie mau tapa'o, a niuniu rū atu i tō outou taote e aore ra i te hō'ē pū utuutur'a ma'i fatata roa i tō outou nohora'a. E nehenehe atoa outou e niuniu i te nūmera 15.

Te fa'auera'a hopea, ia faito tāmāu outou i tō outou fiva i te mea na teie tiro tiro e fa'atupu i te fiva. I taua taime ra, a niuniu atu i tō outou taote.

## Te mau ta'o o teie ma'i

« Personnes atteintes du virus » : ta'ata i ro'ohia i teie tiro tiro. E ta'ata teie o tei hi'opo'ahia e ua ite papuhia te tiro tiro i roto iana.

## Titorotorora'a

Te fa'atupu nei te Fa'aterera'a o te Ea i te hō'ē titorotoro huirā'atira no nia i tana hiora'a i te mau poro'i pānurura'a i te ma'i COVID-19.

**Te ARAIRA'A 'i teie ma'i. 'E mea faufa'a 'ia fāaha'amana'ohia, 'e'ita teie tiro tiro 'e parare noa, nā tātou ra 'e ta'ita'i nei iana no reira tatou 'e titauhia ai, ia fa'aea 'i te fare.**

**MĀURUURU E FA'AITOITO**